



ՀԱՍՏԱՏՈՒՄ ԵՄ՝
Շրջակա միջավայրի նախարար
Հակոբ Սիմիոյան

«05» 10 2022թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱԿԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

ԲՓ № 0149-22

Ձեռնարկող՝

«Լեռնագործ» ԱԿ

Գեղարքունիքի մարզ, գ. Գեղիովիտ

Գործունեությունը՝

Գեղիովիտի բազալտների հանքավայրի «Աղբյուրի գլուխ 1»
տեղամասում 2022-2024թթ. ընթացքում կատարվելիք
երկրաբանական ուսումնասիրության աշխատանքների
շրջակա միջավայրի վրա ազդեցության նախնական
գնահատման հայտ
Գեղարքունիքի մարզ

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի
տնօրենի պարտականությունները կատարող՝



Խաչիկ Մարտիրոսյան

Առդիր եզրակացությունը՝ 5 թերթ

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

ԲՓ № 0149 - 22

<< 05 >> 10 2022թ.

**Գեղիովիտի բազալտների հանքավայրի «Աղբյուրի գլուխ 1» տեղամասում
2022-2024թթ. ընթացքում կատարվելիք երկրաբանական
ուսումնասիրության աշխատանքների շրջակա միջավայրի վրա
ազդեցության նախնական գնահատման հայտ**

Ներածական մաս.

Ձեռնարկող՝

«Լեռնագործ» ԱԿ

Փաստաթղթի տեսակը՝

Երկրաբանական ուսումնասիրության
նախնական գնահատման
հայտ (Գ կատեգորիա)

Գտնվելու վայրը՝

Գեղարքունիքի մարզ, Մարտունի համայնքի,
Գեղիովիտ բնակավայր

Նախնական գնահատման հայտով նախատեսվում է 2022-2024թթ. ընթացքում կատարել Գեղիովիտի բազալտների հանքավայրի «Աղբյուրի գլուխ 1» տեղամասում երկրաբանական ուսումնասիրության աշխատանքներ: Նախատեսվող երկրաբանական ուսումնասիրությունը կատարվելու է «Լեռնագործ» ԱԿ-ի ֆինանսական միջոցներով:

Երկրաբանահետախուզական աշխատանքների նպատակն է պարզել տեղամասի թարմ բազալտների պիտանելիությունը՝ բլոկների, շինարարական խճի ու ավազի արտադրության 9479-2014 ԳՈՍՏ-ի, 8267-95 ՀՍ ԳՈՍՏ-ի և 8736-93 ՀՍ ԳՈՍՏ-ի տեխնիկական պահանջներին համապատասխանությունը:

«Շրջակա միջավայրի վրա ազդեցության գնահատման և փորձաքննության մասին» ՀՀ օրենքի 14-րդ հոդվածի 6-րդ մասի, 2-րդ կետի ա. ենթակետի համաձայն նախատեսվող գործունեությունը հանդիսանում է Գ կատեգորիայի գործունեության տեսակ:

Նկարագրական մաս. Համաձայն նախնական գնահատման հայտի Գեղիովիտի բազալտների հանքավայրի «Աղբյուրի գլուխ 1» տեղամասը վարչական տեսակետից գտնվում է Գեղարքունիքի մարզի Մարտունու ենթաշրջանում և տեղակայված է Մարտունի-Վարդենյաց լեռնանցք-Գետափ ավտոմայրուղու աջ մասում, Գեղիովիտ գյուղից մոտ 3.0-3.2կմ դեպի հարավ, իսկ Մարտունի քաղաքից 9.0կմ հեռավորության վրա՝ 1.0հա տարածքում:



«Աղբյուրի գլուխ 1» տեղամասի տարածքը գտնվում է 2235-2255մ բացարձակ բարձրությունների վրա: Լեռնագրական տեսակետից շրջանը տիպիկ լեռնային է, այն գտնվում է Գեղամա և Վարդենիսի հրաբխային ծագման լեռնաշղթաների միացման մասում: Հանքային դաշտը գտնվում է մեղմ թեքություններով (դեպի հյուսիս-հյուսիս-արևմուտք) սարահարթի վրա՝ Արգիճի և Մարտունի գետերի միջագետքում: Շրջանի գլխավոր ջրային զարկերակներն են՝ Արգիճի, Մարտունի, Վարդենիկ, Զոլաքար, Ծակքար գետերը:

Շրջանի կլիման խիստ ցամաքային է, ցածրադիր մասերում հարթ անապատային և ալպիական չափավոր ցամաքային: Տեղումների տարեկան միջին քանակությունը կազմում է 500-700մմ: Ձմռան միջին ջերմաստիճանը (հունվարին) հասնում -14°C , իսկ ամռանը $+25^{\circ}\text{C}$:

Ըստ նախնական հայտի երևակման տարածքում սողանքային երևույթներ չեն արձանագրվել: Մոտակա սողանքային մարմինները գտնվում են ուսումնասիրվող տարածքից ավելի քան 8կմ հեռավորության վրա:

Տուֆերի երևակման տարածքը գտնվում է Սևանի ֆլորիստիկ շրջանում: Գեղիովիտի բազալտների հանքավայրի տարածաշրջանը բնորոշվում է լեռնատափաստանային և մարգագետնատափաստանային բուսածածկույթով՝ տարախոտա-հացազգայինի խոտաբույսերի տարածմամբ: «Աղբյուրի գլուխ 1» բազալտի երևակումը գտնվում են Սևանա լճի ջրհավաք ավազանում՝ «Սևան» ազգային պարկի սահմաններից մոտ 9կմ հեռավորության վրա:

Համաձայն հայտի երկրաբանական հետախուզման տարածքում բույսերի և կենդանիների Կարմիր գրքերում գրանցված տեսակներ, բնության հատուկ պահպանվող տարածքներ, վտանգված էկոհամակարգեր, պատմամշակութային հուշարձաններ, անտառային տարածքներ չկան:

Համաձայն նախնական հայտի հայցվող տարածքի հողերի նպատակային նշանակությունը գյուղատնտեսական նպատակային նշանակության՝ արոտավայր է:

Գեղիովիտի բազալտների հանքավայրի «Աղբյուրի գլուխ 1» տեղամասի երևակումը ARM WGS-84 կոորդինատային համակարգով բնութագրվում է հետևյալ ծայրակետային կոորդինատներով՝

«Աղբյուրի գլուխ 1»		S=10049մ ²
1.	4437364.1	8523326.4
2.	4437477.2	8523379.7
3.	4437423.8	8523443.3
4.	4437318.6	8523405.8

Նախատեսվում է կատարել տեղամասի տարածքի 1:1000 մասշտաբերի տոպոգրաֆիական հանույթ 1.0049հա /մոտ 1.0հա/ տարածքում, բոլոր հետախուզական փորվածքների գործիքային տեղադրմամբ:

Համաձայն հայտի «Աղբյուրի գլուխ-1» տեղամասում նախկինում կատարված արդյունահանման արդյունքում ստեղծվել են արհեստական մերկացումներ, որոնց բնութագրման համար նախատեսվում է կատարել դրանց երկրաբանական նկարագրությունը: Ընդամենը նմուշարկվելու է 5 արհեստական մերկացումներ: Հորատանցքերը նախատեսվում է հորատել օգտակար հանածոյի մարմնի բազալտների շերտի լրիվ հզորության որոշման և նմուշարկման համար:

Աշխատանքներն իրականացվելու են սյունակային հորատման ուղղաձիգ հորատանցքերի հորատման միջոցով:





Գործունեության իրականացման ընթացքում բնառեսուրսներից օգտագործվելու է ջուր՝ խմելու և տեխնիկական նպատակներով, ջուրը կբերվի մոտակա բնակավայրերից պայմանագրային հիմունքներով:

Համաձայն հայտի մոտակա բնակավայրը գտնվում է 1400մ հեռավորության վրա, տարածքը կտրտված ռելիեֆով տարածք է, իսկ աշխատանքները կրում են կարճաժամկետ /2-3ամիս/ բնույթ ուստի կարելի է ասել, որ բնակավայրերի վրա ազդեցությունը կլինի չնչին:

Հաշվի առնելով այն հանգամանքը, որ հորատանցքերի հորատումը և փորձնական հանույթն իրականացվելու են սեփական տեխնիկա-տրանսպորտային միջոցներով, որոնք տեղամասում կգտնվեն շատ կարճ ժամանակ, ուստի նախատեսվող ուսումնասիրության աշխատանքների ժամանակ, բացառվելու է բնապահպանական տեսակետից տարբեր վտանգավորության թափոնների (մեխանիզմների յուղեր, քսայուղեր, մետաղաջարդոն, անվադողեր) առաջացումը:

Դաշտային աշխատանքների կարճատև լինելու հանգամանքով պայմանավորված՝ մեխանիզմների շահագործումից առաջացած վնասակար ծխագազերի, հորատման ընթացքում առաջացող արտանետումները և աղմուկի մակարդակը չեն գերազանցելու սահմանային թույլատրելի նորմերը: Բուսական և կենդանական աշխարհի վրա հնարավոր ազդեցությունները լինելու են աննշան, քանի որ հորատման հարթակների կառուցման և փորձնական հանույթի կատարման աշխատանքները կատարվելու են բուսական ծածկույթից զուրկ տարածքում, կենդանիների և թռչունների բնադրավայրերից հեռու:

Նախնական գնահատման հայտով նախատեսվում է օդային ավազանի, հողային և ջրային ռեսուրսների աղտոտումից, բուսական և կենդանական աշխարհի պահպանման, թափոնների կառավարման, աղմուկի մակարդակի, արտակարգ իրավիճակների ռիսկի նվազեցմանն ուղղված բնապահպանական միջոցառումների ծրագիր և մոնիթորինգ:

Նախատեսվում է իրականացնել՝

- փոշենստեցման նպատակով՝ ջրցան,
- օգտագործվող տրանսպորտային միջոցների վրա արտաթորվող թունավոր նյութերի չեզոքացուցիչ սարքերի տեղադրում,
- Տարածքում աշխատող տեխնիկան լիցքավորել մոտակա լիցքավորման կայանում, բացառելով նավթամթերքների պահեստավորում տարածքում,
- հողի բերրի շերտի, պահեստավորում, աշխատանքների ավարտից հետո օգտագործում՝ լանդշաֆտի վերականգնման նպատակով,
- աշխատանքների ավարտից հետո խախտված տարածքների ռեկուլտիվացիայի իրականացում, հետ փռված ապարների փխրեցում և այլն:

Պատճառաբանական եզրահանգումներ. Նախատեսվող գործունեությունն իրականացվելու է տարածաշրջանում շինարարական նյութերի պահանջարկի բավարարման նպատակով: Երկրաբանահետախուզական աշխատանքների (դաշտային աշխատանքներ) կատարման ժամանակահատվածը լինելու է կարճատև և սեզոնային, ուստի ուսումնասիրության ընթացքում ազդեցությունները լինելու են ժամանակավոր և տեղային:

Փորձաքննության գործընթացում հայտը ներկայացվել է Գիտությունների ազգային ակադեմիայի Սևանա լճի պահպանության փորձագիտական հանձնաժողովին, համաձայն ներկայացված տեղեկատվության Գեղիովիտի բազալի հանքավայրի առանձին տեղամասերում երկրաբանահետախուզական աշխատանքները, ընդհանուր առմամբ Սևանա լճի և Սևանի ջրհավաք ավազանի համար էական բնապահպանական ռիսկեր ունենալ չեն կարող: Սակայն լեռնարդյունաբերական գործունեության գումարային ազդեցությունը Սևանա



Փորձաքննության ընթացքում հայտը շրջակա միջավայրի նախարարության դիտողություններով ու առաջարկություններով լրամշակվել է: Օրենսդրությամբ սահմանված կարգով Գեղարքունիքի մարզի Մարտունի համայնքի Գեղիովիտ բնակավայրում իրականացվել են հանրային քննարկումներ, որոնց ընթացքում տեղական ինքնակառավարման մարմինը և հանրությունը հավանություն են տվել նախագծի իրականացմանը: Փորձաքննական գործընթացին մասնակցել են նաև շրջակա միջավայրի նախարարության ստորաբաժանումները, արտակարգ իրավիճակների, առողջապահության, կրթության, գիտության, մշակույթի և սպորտի նախարարությունները, կադաստրի կոմիտեն:

- Առաջնորդվելով ՀՀ կառավարության 2002 թվականի ապրիլի 20-ի N 438 որոշման պահանջով, գործունեության իրականացման ընթացքում պատմամշակութային արժեք ունեցող կամ հնագիտական շերտերի հայտնաբերման դեպքում, անհրաժեշտ է դադարեցնել աշխատանքերը՝ տեղյակ պահելով ոլորտը կարգավորող լիազոր մարմինն: Աշխատանքները վերսկսել լիազոր մարմնի թույլտվությունից հետո:

«Լեռնագործ» ԱԿ-ի կողմից ներկայացված Գեղիովիտի բազալտների հանքավայրի «Աղբյուրի գլուխ 1» տեղամասում 2022-2024թթ. ընթացքում կատարվելիք երկրաբանական ուսումնասիրության աշխատանքների շրջակա միջավայրի վրա ազդեցության նախնական գնահատման հայտի վերաբերալ տրվում է դրական եզրակացություն՝ վերը նշված փորձաքննական պահանջների պարտադիր կատարման պայմանով:

Արմինե Վարդանյան

